

亥23

6(2)X5

徐氏十三種醫書

中華書局印行



蘭臺軌範卷三

目錄

桂枝湯

麻黃湯

桂枝麻黃各半湯

桂枝加葛根湯

葛根湯

葛根黃芩黃連湯

桂枝加芍藥湯

大青龍湯

桂枝加桂湯

小柴胡湯

大柴胡湯

大承氣湯

小承氣湯

調胃承氣湯

桃核承氣湯

抵當湯

抵當丸

大陷胸湯

大陷胸丸

小陷胸湯

白虎湯

麻黃附子細辛湯

四逆散

四逆湯

四逆加人參湯

通脈四逆湯

通脈四逆加豬膽汁湯

當歸四逆湯

理中丸及湯

附子瀉心湯

梔子豉湯

真武湯

大黃黃連瀉心湯

白通湯

白通加豬膽汁方

豬膚湯

甘草湯

甘桔湯

瓜蒂散

麻黃升麻湯

旋覆代赭湯

苦酒湯

枳實梔子豉湯

竹葉石膏湯

蘭臺軌範

卷三目錄



燒祖散

豬膽導法

蜜煎導法

治男子新病起房內復者方

治交接勞復陰卵腫縮入腹絞痛便欲死方

竹皮湯

療食勞方

治結胸灸法

鵲石散

鱉甲散

升麻鱉甲湯

升麻鱉甲去雄黃蜀椒方

梔子仁湯

暹陽湯

萎蕤湯

白虎加蒼朮湯

黑膏以上傷寒

百合知母湯

滑石代赭湯

百合雞子湯

百合地黃湯

百合洗方

括蕤牡蠣散

百合滑石散以上百合

九味羌活湯

敗毒散

參蘇飲以上感冒

四時加減柴胡方

天行熱病方

苦參湯

凝雪湯

大黃湯

薰身法以上寒熱

五苓散

理中丸

霍亂轉筋入腹

又方

又方

廣濟高良薑湯

霍亂轉筋入腹方

茱萸湯

灸法以上霍亂

括蕤桂枝湯

麻黃加獨活防風湯以上虛

括蕤瞿麥圓

滑石白魚散

茯苓戎鹽湯

豬苓湯



治諸種淋方

石葦散

胞轉方

療小便難方

石葦散

蘇蜜煎

治石淋方

治熱淋方

四汁飲

牛膝膏

八正散

家韭子丸

治小便失禁方

夜多小便方

豬肚丸

縮泉丸

治尿牀以上癰
閉利淋



蘭臺軌範卷三

吳江徐靈胎泥溪著

傷寒

素問

素熱論篇帝曰今夫熱病者皆傷寒之類也或愈或死其死皆以六七日之間其愈皆以十日以上者何也岐伯對曰巨陽者諸陽之屬也其脈連於風府故爲諸陽主氣也人之傷於寒也則爲病熱熱雖盛不死其兩感於寒而病者必不免於死帝曰願聞其故岐伯曰傷寒一日巨陽受之故頭項痛腰脊強二日陽明受之陽明主肉其脈俠鼻絡於目故身熱目疼而鼻乾不得臥也三日少陽受之少陽主膽其脈循脇絡於耳故胸脇痛而耳聾三陽經絡皆受其病而未入於臟者故可汗而已四日太陰受之太陰脈布胃中絡於噎故腹滿而噎乾五日少陰受之少陰脈貫腎絡於肺繫舌本故口燥舌乾而渴六日厥陰受之厥陰脈循陰器而絡於肝故煩滿而囊縮三陰三陽五臟六腑皆受病榮衛不行五臟不通則死矣

皆連五臟故曰入臟
非風寒直入臟中也

其不兩感於寒者七日巨陽病衰頭痛少愈八日陽明病衰身熱少愈九日少陽病衰耳聾微聞十日太陰病衰腹減如故則思飲食十一日少陰病衰渴止不滿舌乾已而噎十二日厥陰

病衰囊縱少腹微下大氣皆去病日已矣帝曰治之奈何岐伯曰治之各通其臟脈病日衰已矣其未滿三日者可汗而已其滿三日者可泄而已 水熱穴論帝曰人傷於寒而傳為熱何也岐伯曰夫寒甚則生熱也

兩感 素熱論帝曰其病兩感於寒者其脈應與其病形何如岐伯曰兩感於寒者病一日則巨陽與少陰俱病則頭痛口乾而煩滿二日則陽明與太陰俱病則腹滿身熱不欲食譫言三日則少陽與厥陰俱病則耳聾囊縮而厥水漿不入不知人六日死帝曰五臟已傷六腑不通榮衛不行如是之後三日乃死何也岐伯曰陽明者十二經脈之長也其血氣盛故不知人三日其氣盡故死

兩感則表裏同病

溫病暑病 素熱論凡病傷寒而成溫者先夏至日者為病溫後夏至日者為病暑暑當與汗皆出勿止陰陽交 素評熱病論帝問曰有病溫者汗出輒復熱而脈躁疾不為汗衰狂言不能食病為何岐伯曰

病名陰陽交交者死也帝曰願聞其說岐伯曰人所以汗出者皆生於穀穀生於精今邪氣交爭於骨肉而得汗者是邪却而精勝也精勝則當能食而不復熱復熱者邪氣也汗出者精氣也今汗出而輒復熱者是邪勝也不能食者精無俾也病而留者其壽可立而傾也且夫熱論曰汗出而脈尚躁盛者死今脈不與汗相應此不勝其病也其死明矣狂言者是失志失志者死今見三死不見一生雖愈必死也

遺證 素熱論帝曰熱病已愈時有所遺者何也岐伯曰諸遺者熱盛而強食之故有所遺也若此者皆病已衰而熱有所藏因其穀氣相薄兩熱相合故有所遺也帝曰善治遺奈何岐伯曰視其虛實調其逆從可使必已矣帝曰病熱當何禁之岐伯曰病熱少愈食肉則復多食則遺此其禁也

難經

傷寒有幾其脈有變不然傷寒有五有中風有傷寒有濕溫有熱病有溫病其所苦各不同中風之脈陽浮而滑陰濡而弱濕溫之脈陽濡而弱陰小而急傷寒之脈陰陽俱盛而緊溫熱病之脈陰陽俱浮浮之而滑沉之散溫病之脈行在諸經不知何經之動也各隨其經所在而取之傷寒有汗出而愈下之而死者有汗出而死下之而愈者何也然陽虛陰盛汗出而愈下之即死陽盛陰虛汗出而死下之而愈陽盛者風傷衛而汗自洩寒氣在內而未出也陽盛陰虛者身熱汗閉燥火內結津液乾枯陰氣欲竭也此以有邪處爲虛無邪處爲盛

傷寒論六經脈證

太陽病脈浮頭項強痛而惡寒 尺寸俱浮者太陽受病也其脈上連風府故頭項痛腰脊強 發熱汗出惡風脈緩者名曰中風 惡寒體痛嘔逆脈陰陽俱緊者名曰傷寒 發熱惡寒者發於陽也無熱惡寒者發於陰也發於陽者七日愈發於陰者六日愈以陽數七陰數六也

陽明中風口苦咽乾腹滿微喘發熱惡寒脈浮而緊惡寒未離太陽陽明病若能食名中風不能食名中寒

寸俱長者陽明受病也其脈俠鼻絡於目故身熱目疼鼻乾不能臥陽明外證身熱汗自出不惡寒反

惡熱也邪氣已離太陽陽明脈大以上皆陽明之經病有太陽陽明有正陽陽明有少陽陽明此三條皆太陽陽明者傳腑之證

脾約是也少陽陽明者發汗利小便已胃中燥煩實大便難是也陽明之為病胃家實也此正陽明

明居中土也萬物所歸無所復傳始雖惡寒二日自止此為陽明病也

少陽之為病口苦舌乾目眩也尺寸俱弦者少陽受病也其脈循脇絡於耳故胸脇痛而耳聾少陽

中風兩耳無所聞目赤胸中滿而煩者不可吐下吐下則悸而驚傷寒脈弦細頭痛發熱者屬少陽頭痛

發熱與太陽同而脈之弦細獨異三陽合病脈浮大上關上但欲眠睡目合則汗內熱已極傷寒六七日無大熱外熱輕則其

人躁煩者此為陽去入陰也若熱輕而不煩躁則病欲退矣傷寒三日三陽為盡三陰當受邪其人反能食而不嘔此為

三陰不受邪也

太陰之為病腹滿而嘔食不下自利益甚時腹自痛尺寸俱沉細者太陰受病也其脈布胃中絡於噎

故腹滿而噎乾傷寒脈浮而緩手足自溫者繫在太陰同一太陰病而有沉細浮緩之殊蓋沉自利不

渴者屬太陰以臟有寒故也當溫之宜服四逆輩少陰自利而渴熱入下焦也此自利而不渴寒入中焦也

少陰之爲病脈微細但欲寐也

衛氣行於陽則寤行於陰則寐

少陰病欲吐不吐心煩但欲寐五六日自利而渴者屬少

陰也 尺寸俱沉者少陰受病也以其脈貫腎絡於肺繫舌本故口燥舌乾而渴

厥陰之爲病消渴氣上撞心中疼熱飢而不欲食食則吐衄下之利不止 尺寸俱微緩者厥陰受病

也以其脈循陰器絡於肝故煩滿而囊縮 厥陰中風脈微浮爲欲愈不浮爲未愈

傷寒傳足不傳手經脈

此本陶節庵最爲明晰

足太陽脈起於目內眥從頸下後項連風府行身之後終於足其外證頭疼項強腰脊痛骨節痛惡心發

熱惡寒標病宜發汗但太多則亡陽筋惕肉瞤 小便不利者當利自利者不可利利之引熱入膀胱其

人如狂 不可下下之爲結胸

足陽明脈起於鼻頰絡於目循面下人迎入缺盆下膈屬胃行身之前終於足之厲兌穴故其證目痛鼻

乾不得眠頭頰痛身熱微惡寒無汗者屬標病宜解肌身熱發渴汗出屬本病宜清熱解肌 若惡熱自

汗發渴去衣被發斑發黃發狂大便秘腹滿此正陽明胃腑病也宜下之

足少陽脈起於目銳眥上抵頭循角絡耳中循胸脇行身之側終於足故頭角痛目眩耳聾脇疼心下痞

寒熱往來嘔而口苦膽熱也比經無標本只有小柴胡一湯和解隨證加減有三禁汗之犯太陽下之犯

陽明利之犯少陰 脈弦數者是本經證

足太陰爲三陰經首其脈始於足大指上行至腹絡於喉連舌本行身之前也故腹滿自利咽乾嘔吐腹滿邪入脾也嘔吐脾氣不和也自利挾熱下利也咽乾脾脈連喉也頭不疼陰脈至頸而還也身微熱手足溫表邪解而傳入裏也身目俱黃標病宜平熱腹滿硬痛渴而喉乾小便赤大便難本病雖宜下然當分寒熱施治足少陰脈始於足心上行貫脊循喉絡舌本下注心胸行身之後也其病手足乍冷乍溫身不熱者標病二便不通舌乾口燥者本病此經本熱而標寒也宜急下以存腎水雖自利此是飲湯水所致不可疑爲寒也初病大熱至此變爲厥冷者是熱深厥亦深也急下之至陰又難拘定法因分直中者寒證傳經者熱證大抵六經中惟此難辨有直中真陰者有夾陰中寒者有夾陰傷寒者有虛陽伏陰者有陰極發躁者有漏底傷寒者前二證身不熱厥冷全似少陰傳經而冷者後四證身熱面赤又全似陽大要口燥舌乾渴而譫語大便實者傳經熱證也足冷嘔吐瀉痢不渴或惡寒腹痛者直中真寒證也足厥陰脈始於足大指上行循陰器抵小腹循脇上口唇與督脈會於巔頂行身之側也其證煩滿囊拳消渴舌捲譫語大便不通而頭疼手足乍冷乍溫者此是陽經傳來熱邪本病宜急下若發熱惡寒狀如瘧疾此是熱邪在經標病宜和解若不嘔便清當有大汗而自愈 頭疼者以督脈會於巔頂故也 大

抵熱深厥亦深則舌捲囊縮筋也身冷極亦捲縮須以口渴不渴足冷不冷脈沉實沉細別之厥陰屬

多後人嘗指爲極寒概用溫熱
誤人無算盡讀傷寒論自知

傷寒六經治法方

諸方精義俱詳余所著
傷寒類方中不更贅

桂枝湯

俱本傷
寒論

治太陽中風頭疼發熱汗出惡風

桂枝

三兩
去皮芍藥

甘草

二兩

生薑

三兩

大棗

十二
枚擘

右五味咬咀以水七升微火煮取三升去滓

適寒溫服一升服已須臾飲熱稀粥一升餘以助藥力溫覆令一時許通身熱熱微似有汗者益佳不

可令如水流瀉病必不除若一服汗出病差停後服不必盡劑若不汗更服依前法又不汗後服當小

促其間半日許令三服盡若病重者一日一夜服周時觀之服一劑盡病證猶在者更作服若汗不出

者乃服至二三劑禁生冷粘滑肉麪五辛酒酪臭惡等物

此服外感風寒之
藥服法俱當如此

麻黃湯

治太陽中寒頭身俱痛發熱無汗惡風而喘

麻黃

三兩
去節桂枝

甘草

一兩

杏仁

七十個湯
泡去皮尖

右四味以水九升先煮麻黃減二升去上沫納諸

藥煮取二升半去滓溫服八合覆取微似汗不須啜粥餘如桂枝法將息

桂枝麻黃各半湯

治傷寒向愈脈微緩惡寒身癢

麻黃湯

治傷寒

卷二傷寒

四



桂枝一兩十六銖去皮芍藥酒洗生薑切甘草炙麻黃各一兩去節大棗四枚杏仁二十四個湯浸去皮尖及兩仁者

七味以水五升先煮麻黃一二沸去上沫納諸藥煮取一升八合去滓溫服六合令微汗則愈

桂枝加葛根湯 治太陽病項背強八反汗出惡風

葛根四兩芍藥二兩甘草二兩生薑三兩切大棗十二枚擘桂枝三兩去皮右六味以水一斗先煮葛根減二

升去上沫納諸藥煮取三升去滓溫服一升覆取微似汗不須啜粥餘如桂枝法本方無麻黃若加麻黃則為葛根湯矣陳

無己本誤加

葛根湯 治太陽病項背強無汗惡風者又治太陽陽明合病自下利者

葛根四兩麻黃三兩去節桂枝二兩去皮芍藥二兩切甘草二兩炙生薑三兩切大棗十二枚擘右七味啖咀以水一斗

先煮麻黃葛根減二升去沫納諸藥煮取三升去滓溫服一升覆取微似汗不須啜粥餘如桂枝法將

息及禁忌

葛根黃芩黃連湯 治太陽證誤下利遂不止喘而汗出者此主之

葛根半斤甘草炙黃芩各二兩黃連三兩右四味以水八升先煮葛根減二升入諸藥煮取二升

去滓分溫再服

桂枝加芍藥湯 治太陽誤下腹滿時痛屬太陰也此主之大實痛者加大黃一兩卽桂枝加大黃湯

桂枝 三兩 芍藥 六兩 甘草 二兩 生薑 三兩 大棗 十二枚 右五味㕮咀以水七升微火煮取三升去滓

適寒溫服一升 此卽桂枝湯加芍藥一倍卽另成一方而以之治太陰證分兩輕重之所關如此 太陰病必腹滿

大青龍湯 治太陽中風脈浮緊惡寒發熱身疼不汗出而煩躁者

麻黃 六兩 桂枝 二兩 甘草 二兩 杏仁 四十粒 生薑 三兩 大棗 十二枚 石膏 如雞子大 右七味以水九升

先煮麻黃減二升去上沫納諸藥煮取三升去滓溫服一升取微似汗汗出多者溫粉撲之一服汗者

停後服汗多亡陽遂虛惡風煩躁不得眠也 此風寒兩傷之方 按戴大青龍何以不載小青龍蓋小青龍治傷寒不解心下有水氣之證非傷寒正方也

桂枝加桂湯 治燒針令其汗針處被寒核起微赤必發奔豚灸其核上各一壯與此湯 卽桂枝湯加

桂二兩

小柴胡湯 治少陽中風往來寒熱胸脇苦滿心煩喜嘔腹痛心悸頭汗出舌上胎白及婦人熱入血室

等證

柴胡 半斤 黃芩 人參 甘草 各二兩 半夏 半升 生薑 三兩 大棗 十二枚 右七味水一斗二升煮

取六升去滓再煎取三升溫服一升日三服 若胸中煩而不嘔去半夏人參加枳實一枚 若渴

者去半夏加人參合前成四兩半括蕤根四兩 若腹中痛者去黃芩加芍藥三兩 若脇下痞鞭

大棗加牡蠣四兩 若心下悸小便不利者去黃芩加茯苓四兩 若不渴外有微熱者去人參加桂

三兩溫覆取微汗愈 若欬者去人參大棗生薑加五味子半升乾薑二兩 此方加減法須細審

大柴胡湯 治傷寒十餘日柴胡證仍在嘔而心下急心中痞鞭而痢熱結在裏往來寒熱等證

柴胡 半斤 黃芩 三兩 芍藥 三兩 半夏 半升 生薑 五兩 枳實 四枚 大棗 十二枚 黃 二兩 右八味以水

一斗二升煮取六升去滓再煎溫服一升日三服

大承氣湯 治傷寒十餘日吐下後不解晡時發潮熱獨語如見鬼狀尋衣摸牀胃中有燥屎也此下之

大黃 四兩 厚朴 半斤 枳實 五枚 芒硝 三合 右四味以水一斗先煮二物取五升去滓納大黃煮取

二升去滓納芒硝更上微火一兩沸分溫再服得下餘勿服 胃中非存燥屎之所此言胃中者指足陽明言即所謂胃中實是也乃腸胃之總名

小承氣湯 治汗多微發熱不惡寒或小便數而大便鞭譴語者與此湯微和胃氣

大黃 四兩 厚朴 二兩 枳實 三枚 右三味以水四升煮取一升二合去滓分溫二服初服湯當更

衣不爾者盡飲之若更衣者勿服之

調胃承氣湯 治胃氣不和惡寒但熱腹微滿而煩與此湯

大黃

四兩去皮

甘草

二兩芒硝

半斤右三味咬咀以水三升先煮大黃甘草取一升去滓納芒硝

更上火微煮令沸少少溫服

不惡寒乃外邪已盡方可下此仲景之要法

桃核承氣湯

治太陽病不解熱結膀胱其人如狂血自下下者愈其外不解者尚未可攻宜先與桂枝

解外外解已但小腹急結此主之

桃仁

五十個去皮尖

桂枝

二兩大黃

四兩芒硝

甘草

炙各二兩

右五味以水七升煮取二升半去滓納芒

硝更上火微沸下火先令溫服五合日三服當微利

抵當湯

治傷寒六七日少腹鞭小便自利其人如狂喜忘大便黑此有蓄血

水蛭

熬

蟅蟲

各三十個去翅足熬

桃仁

三十個去皮尖

大黃

三兩酒浸

右四味為末以水五升煮取三升去滓溫服一

升不下再服

抵當丸

治傷寒有熱少腹滿應小便不利今反利者為有血也當下之不可餘藥

水蛭

二十個

蟅蟲

二十個

桃仁

二十個去皮尖

大黃

三兩

右四味杵分為四丸以水一升煮一丸取七合服之

晬時當下血若不下者更服

大陷胸湯

治表未解而醫反下之胃虛而陽氣內陷心下有鞭舌上燥渴小有潮熱心上至少腹痛不

可近

大黃六兩 去皮芒硝 一升 甘遂 一錢

右三味以水六升先煮大黃取二升去滓納芒硝煮一兩沸納甘

遂末溫服一升得快利止後服

結胸乃水飲爲患傷寒論云此爲水結故用甘遂

大陷胸丸 治病發於陽而反下之熱入因作結胸病發於陰而反下之因作痞所以成結胸者以下之

太早故也

大黃半斤葶藶子熬芒硝

杏仁去皮尖熬 黑各半升

右四味搗篩二味納杏仁芒硝合研如脂和散

取如彈丸一枚別搗甘遂末一錢匕白蜜二合水二升煮取一升溫頓服之一宿乃下如不下更服取

下爲效

小陷胸湯 治病在心下按之則痛脈浮滑者

黃連 一兩 半夏半升 洗括蕢實大者 一個

右三味以水六升先煮括蕢取三升去滓納諸藥煮取二升去

滓分溫三服

白虎湯 治脈滑而厥裏有熱也 又治三陽合病腹滿身重譫語遺尿自汗出者

知母六兩石膏一斤甘草二兩粳米六合

右四味以水一斗煮米熟湯成去滓溫服一升日三服

陽種於內發散則路
遠故從小便去之

麻黃附子細辛湯 治少陰始得病反發熱脈沉者

麻黃 去節 細辛 各二兩 附子 一枚炮去皮破八片 右三味以水一斗先煮麻黃減二升去上沫納藥煮取三升

去滓溫服一升日三服

四逆散 治少陰傳經熱邪四逆或欬或悸或小便不利或腹中痛或泄痢下重者

甘草 炙 枳實 破水漬 柴胡 芍藥各十分 右四味搗篩白飲和服方寸匕日三服 欬者加五

味子乾薑各五分并主下痢 悸者加桂枝五分 小便不利者加茯苓五分 腹中痛者加附子一

枚炮令拆 泄痢下重者先以五升煮薤白三升煮取三升去滓以散三方寸匕納湯中煮取一升半

分溫再服 熱邪入深乃見四逆誤認爲寒貽害匪細薤白能治下重以能洩大腸之氣也

四逆湯 治脈沉體痛溫溫欲吐下利清穀手足厥冷內寒外熱脈微欲絕等證

甘草 二兩炙 乾薑 一兩半 附子 一枚生用去皮破八片 右三味咬咀以水三升煮取一升二合去滓分溫再服強

人可大附子一枚乾薑三兩 四逆湯不可輕用一症不具即當細審必諸症皆全方可決用無疑

四逆加入參湯 治痢後亡血 本方加入參